

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 K 114933 14 K  
Zenica, 08.06.2016. godine

## U IME FEDERACIJE BOSNE I HERCEGOVINE

Općinski sud u Zenici, sudac Vesna Vujica uz učešće zapisničara Samre Čatić u krivičnom predmetu protiv optuženih Isak Rame, Bojić Fadila i Isak Čamila zbog krivičnog djela ugrožavanje sigurnosti iz člana 183. stav 1. u vezi sa članom 31. KZ F BiH, po optužnici Kantonalnog tužilaštva Zeničko-dobojskog kantona broj: T04 0 KT 0002308 10 od 21.11.2014.godine, nakon usmenog, glavnog i javnog pretresa održanog dana 25.05.2016. godine u nazočnosti optuženih Isak Ramo, Bojić Fadila i Isak Čamila, braniteljice prvooptuženog i trećeoptuženog Pivić Nermine, advokata iz Zenice, braniteljice drugooptuženog Nire Hadžićulbić, Kantonalni zavod za pravnu pomoć Zenica i kantonalnog tužitelja Sikira Ešrefa, dana 25.05.2016. godine, donio je i javno objavio slijedeću:

## PRESUDU

Prema optuženim :

1. **ISAK RAMO**, sin Č. i majke M. rođene R., rođen 02.12.1973.godine u Prozoru, nastanjen u Zenici, [REDAKTIRANO], pismen, sa završenom VSS, po zanimanju profesor, oženjen, otac troje djece, srednjeg imovnog stanja, po narodnosti Bošnjak, državljanin BiH, JMBG [REDAKTIRANO], osuđivan presudom Općinskog suda u Zenici broj 43 0 K 021721 09 K 2 od 18.10.2010.godine za krivično djelo iz člana 183. stav 1. KZ FBiH na kazna zatvora u trajanju od 2 (dva) mjeseca, uvjetno jedna godina, presudom Općinskog suda u Zenici broj 43 0 K 076440 12 K za krivično djelo iz člana 362. stav 2. u vezi sa stavom 1. KZ FBiH na kaznu zatvora u trajanju od 6 (šest) mjeseci, uslovno jedna godina
2. **BOJIĆ FADIL**, sin D. i majke B. rođene S., rođen [REDAKTIRANO] u Zenici, gdje je i nastanjen, ulica [REDAKTIRANO], pismen, sa završenom SSS, po zanimanju saobraćajni tehničar, zaposlen u „Euro Bojić“ Zenica, oženjen, dobrog imovnog stanja, po narodnosti Bošnjak, državljanin BiH, JMBG [REDAKTIRANO], neosuđivan
3. **ISAK ČAMIL**, sin A. i majke A. rođene P., rođen [REDAKTIRANO] u Prozoru, nastanjen u Zenici, [REDAKTIRANO], pismen, sa završenom SSS, po zanimanju penzioner, oženjen, otac dvoje djece, dobrog imovnog stanja, po narodnosti Bošnjak, državljanin BiH, JMBG [REDAKTIRANO], neosuđivan

U skladu sa odredbom člana 298 stavak 1. točka e. Zakona o krivičnom postupku Federacije Bosne i Hercegovine (Službene novine Federacije BiH, broj 35/ 03,47/ 03,56/ 03,74/ 04,28/ 05,55/ 06, 53/ 07, 9/09, 12/10 i 08/13, u daljnjem tekstu : ZKP FBiH ),

## OPTUŽBA SE ODBIJA

da su:

dana 10.05.2010. godine, oko 13,00 sati, u Zenici, zajedno sa B.Z. koji je u međuvremenu umro, ugrozili sigurnost J.A., koji je stajao na trotoaru raskrsnice ulica Londža i Talića brdo ispred zgrade zv. „Uglovnica“, na način da kada su vidjeli J.A., iz pravca ulice Talića brdo nastavili se kretati pmv vozilom marke “BMW X5” registarskih oznaka 769-T-049 kojim je upravljao Bojić Fadil ka istom, kojom prilikom je navedeno vozilo na trotoaru ostvarilo kontakt sa A. i udarilo u stub ulične rasvjete, kojim kontaktom je A. zadobio lake tjelesne ozljede u vidu uboja ili natečenja krstačkog dijela leđa, nakon čega su Isak Ramo, Bojić Fadil, Buljubašić Zaim i Isak Ćamil izašli iz predmetnog vozila noseći sa sobom ručno vatreno oružje-pistolje, pa kada je Isak Ramo povikao ostalima i uputio ozbiljne prijetnje J.A. „Pucaj, pucaj, ubij ga“, sva četvorica osumnjičenih Isak Ramo, Bojić Fadil, Buljubašić Zaim i Isak Ćamil su izvadili i repetirali pistolje i uperili u pravcu J.A., što je kod istog izazvalo osjećaj nesigurnosti i straha koji se bojeći za svoj život dao u bijeg u pravcu prolaza između dvije zgrade i kako su osumnjičeni i dalje trčali za njim, skočio je sa terase na asfaltnu podlogu, i tom prilikom zadobio lake tjelesne ozljede u vidu ogrebotine i oguljotine kože unutrašnje strane lijeve nadlaktice i ogrebotine i blagi otok sa nagnječenjem mišićja stražnje-vanjske strane desne potkoljenice kao posljedice pada,

dakle, ugrozili sigurnost druge osobe ozbiljnom prijetnjom,

čime da bi radnjom opisanom u dispozitivu optužnice počinili krivično djelo ugrožavanje sigurnosti iz člana 183. stav 1. u vezi sa članom 31. KZ F BiH (Službene novine Federacije BiH, broj 36/ 03, 37/ 03, 21/ 04, 69/ 04 i 18/ 05, u daljnjem tekstu KZ F BiH).

U skladu sa odredbom člana 203. stav 1. ZKP-a F BiH troškovi krivičnog postupka iz člana 199. stav 2. točka od a) do f) ZKP FBiH, kao i nužni izdaci optuženih i nužni izdaci i nagrada branitelja padaju na teret budžetskih sredstava Suda.

Na temelju odredbe člana 212. stav 4. ZKP-a F BiH oštećeni A.J. se upućuje da svoj imovinskopравни zahtjev može ostvarivati u parničnom postupku.

### Obrazloženje

Kantonarno tužilaštvo Zenica je dana 24.11.2014. godine kod ovog suda podiglo optužnicu broj: T04 0 KT 0002308 10 od 21.11.2014. godine, a koja je potvrđena dana 28.11.2014. godine protiv optuženih Isak Rame, Bojić Fadila i Isak Ćamila zbog krivičnog djela ugrožavanja sigurnosti iz člana 183. stavak 1. u vezi sa članom 31. KZ FBiH, bliže opisano u izreci presude.

Na glavnom pretresu održanom dana 25.05.2016. godine ovaj sud je donio presudu kojim se optužba protiv optuženih Isak Ramo, Bojić Fadil i Isak Ćamil odbija, a imajući u vidu da je sukladno odredbi člana 15. stav 1. točka f), a u svezi sa članom 16. stavak 6. KZ F BiH u ovom predmetu nastupila zastara.

Članom 15. stav 1. točka f) KZ F BiH propisano je da se krivično gonjenje ne može poduzeti kad od učinjenja krivičnog djela protekne tri godine za krivično djelo s propisanom kaznom zatvora do jedne godine ili novčanom kaznom, dok je članom 16. stavak 6. istog zakona propisano da zastarjelost krivičnog gonjenja nastupa u svakom slučaju kada protekne dva put onoliko vremena koliko zakon propisuje zastarjelost krivičnog gonjenja.

Kako su se u konkretnom predmetu optuženima stavlja na teret da su dana 10.05.2010. godine u Zenici počinili krivično djelo ugrožavanje sigurnosti iz člana 183. stav 1. u vezi sa članom

31. KZ FBiH, za koje je djelo je propisana krivična sankcija kazna zatvora do šest mjeseci, to u konkretnom predmetu, a u skladu sa naprijed navedenim zakonskim odredbama apsolutna zastara nastupa sa danom 10.05.2016. godine.

Imajući u vidu da je u konkretnom predmetu nastupila zastara krivičnog gonjenja za predmetno krivično djelo u smislu člana 15. stav 1. točka f), a u svezi sa članom 16. stavak 6. KZ F BiH to je Sud u skladu sa članom 298. stavak 1. točka e. ZKP-a FBiH donio presudu kojom se optužba odbija protiv optuženih Isak Rame, Bojić Fadila i Isak Ćamila zbog krivičnog djela ugrožavanje sigurnosti iz člana 183. stav 1. u vezi sa članom 31. KZ F BiH.

Odluka o troškovima postupka temelji se na odredbi člana 203. stav 1. ZKP-a F BiH a kojom je propisano da kada se obustavi krivični postupak ili kada se donese presuda kojom se optuženi oslobađa od optužbe ili kojom se optužba odbija da će se izreći da troškovi krivičnog postupka iz člana 199. stav 2. tačka a) do f) ZKP-a F BiH kao i nužni izdaci optuženog i nagrada i nužni izdaci i nagrada branitelja padaju na teret budžetskih sredstava suda.

Odluka o imovinsko pravnom zahtjevu oštećenog J.A. temelji se na odredbi člana 212. stav 4. ZKP-a F BiH, te se isti upućuje da svoj imovinskopravni zahtjev može ostvarivati u parničnom postupku.

S obzirom na naprije navedeno Sudu je donio odluku kao u izreci presude.

Zapisničar,  
Samra Čatić

Sudac  
Vesna Vujica

#### PRAVNA POUKA:

Protiv ove Presude može se izjaviti žalba Kantonalnom sudu u Zenici u roku od 15 dana od dana prijema pismenog otppravka Presude. Stranke mogu izjaviti žalbu iz svih zakonskih razloga, a oštećeni zbog odluke o troškovima postupka i imovinsko pravnom zahtjevu. Žalba se podnosi putem ovog Suda u tri primjerka.

-----  
-ZKP FBiH -Zakon o krivičnom postupku Federacije B i H,(Službene novine Federacije BiH, broj 35/ 03,47/ 03,56/ 03,74/ 04,28/ 05,55/ 06, 53/ 07, 9/09, 12/10 i 08/13);

-KZ FBiH-Krivični zakon Federacije BiH(Službene novine Federacije BiH, broj 36/ 03, 37/ 03, 21/ 04, 69/ 04 i 18/ 05).

**CIN<sup>x</sup>**